

«Ҳикматлар» да оналарнинг таърифлари



19:00 / 02.09.2021 2730

Онам доим: «Дадаларингиз ишдан уйга қайтганида юзига кулиб, табассум билан боқинглар. Чунки ташқари ҳаётнинг ҳолати оталарни синдирадиган даражада аянчли...», дердилар.

Ҳомиладор аёл бирор аъзосида зарарни ҳис қилса, масалан, юрагига қон етиб боришида муаммо бўлса, она вужудидаги ҳомила зарарни бартараф қилиш учун ҳужайра юборади. Субҳаналлоҳ!

Оила аъзоларимга: «Сўзга чиқишимдан олдин устимга қаҳва тўкилиб кетди» деб, ўша ноқулай вазият ҳақида гапириб бераётган эдим, барчалари: «кейин нима бўлди?» деб сўрашди. фақат онам: «бирор озор етмадими?» дедилар.

Бир куни касал бўлиб қолдим... Ҳамма ухлади, аммо онам кўз юммади.

Онам туфайли барча аёлларни ҳурмат қиламан.

Она доим ишлатадиган ёлғонлар:

- болам, сен еявер, менинг қорним тўқ.
- мана бу гўштни егин, мен гўштни унча ёқтирмайман.
- мана бу пулни олавер, менда унга эҳтиёж йўқ.

– мана бу чойшабни ёпин, мен совқотмаяпман.

– йиғлама, мен касал эмасман.

бошқа суюкли инсонингиз бундай қилишга қодирми?!

Роббим! онамни ва омийн деб дуога қўшилган барчани оналарини жаннат аҳлининг саййидаларидан қилгин!

Ҳар-бир буюк аёлнинг ортида буюк она турган бўлади.

Битта она ўнта болани парваришлай олади, лекин ўнта бола баъзан битта онани парваришлай олмайди. Онамни жаннат саййидаларидан қилгин, Аллоҳим!

Толқ ибн Ҳабиб онасининг бошини ўпар, ҳурмат юзасидан онаси турган уйнинг тепасида юрмас эди.

Фақиҳ, имом ибн асокир таълим беришларини сўрашгани учун Хуросонга боришга қасд қилдилар. Аммо оз ўтмай сафар ҳақидаги фикрларидан қайтдилар ва Хуросон аҳлига шундай ёздилар: «Онам сафарга рухсат бермадилар».

Она дуосининг тугаш муддати йўқ. Она вафот топса ҳам, унинг фарзандларига қилган дуосидаги барака боқий қолаверади. Аллоҳим, онамни жаннат билан мукофотла, чунки онам менинг ҳаётимни бўстонга айлантирган эди.

Онаси вафот топган кишининг у ҳақидаги ажойиб таърифи: «Аллоҳнинг раҳмати (бўлмиш онам) Аллоҳнинг раҳматига риҳлат қилдилар».

Манба: *arabicuz*